



**Ministry of Justice and Community Services
Government of the Republic of Vanuatu**

P: PMB 9084, Port Vila T: +678 33615 E: mjcs@vanuatu.gov.vu W: www.mjcs.gov.vu

“Jastis, sefti, digniti, rispek mo gud fasin blong evriwan.”



INFOMEISEN PEPA

Vanuatu Nasonal Jael Proteksen Polisi 2016-2026

Gavman blong Vanuatu i gat risponsabiliti blong protektem evri pikinini akensem vaelens, abius, eksploetesen mo nogud tritmen folem Konvensen long Raet blong ol Pikinini blong Unaeted Nesen.

Ol pikinini long Vanuatu i fesem plante isiu inkludim vaelens, eksploetesen mo nogud tritmen long haos mo long skul. Ol pikinini i ekspos plante taem nao long intanet mo long taem blong ol emejensi olsem ol saeklon.

Gavman i developem wan Nasonal Jael Proteksen Polisi we hemi kodinetem mo strenghtenem developmen blong ol jael proteksen sistem long Vanuatu. Polisi hemi blong evriwan – gavman, komuniti, jioj, NGO, parens from se evriwan i nid blong wok tugeta blong meksua se ol pikinini blong yumi i sef.

Oli developem Nasonal Jael Proteksen Polisi wetem ol stekholda long gavman, NGO, ol lida long ol provins mo komuniti. Bae yumi wok tugeta blong strenghtenem ol gudfala praktis we i stap hapen finis long ol komuniti tru long ol jioj, jif mo parens mo semtaem bildimap fomol jael proteksen sistem long kaontri long saed blong helt, jastis, edukeisen mo long ol nara sekta.

Tingting bihen long Polisi ia

Krietem wan envaeronmen we ol pikinini i sef mo protektem olgeta long evri fasin blong abius, eksploetesen, nogud tritmen mo vaelens mo gat fea akses long ol sevis blong sapotem reintegresen mo rikavari blong olgeta taem we oli nidim.

Ol prinsipol blong folem

Polisi mo evri nara semak wok blong jael proteksen we ol 8 prinsipol i talem:

1. Evri pikinini i gat raet blong stap sef, hapi mo protektem olgeta akensem ol fasin blong abius blong mekem se oli save kam ol lida long ol komuniti blong yumi tumoro.
2. Evri pikinini i save ekspos long ol abius mo evriwan i gat wan ikwal raet long gat proteksen. Sam pikinini i nidim spesol atensen from se oli gat bigfala janis blong fesem risk. Hemia i inkludim ol disebol pikinini, ol pikinini we oli nomo stap wetem ol famili blong olgeta o nomo stap long haos, ol yang mama mo ol pikinini blong olgeta mo ol narawan.
3. Evriwan i serem risponsabiliti blong protektem ol pikinini, spesieli ol lida long nasonal, provinsol o komuniti level. Ol jioj, jif, gavman ministri, NGO mo ol intenasonal oganaesesen i nid blong evriwan i involv long proteksen blong ol pikinini.
4. Evri desisen i mas meksua se i gat gud impak long ol pikinini. Hemia i no minim se ol nid blong ol pikinini i moa impoten long ol narawan be hemi minim se ol desisen o aksen ia i no save gat negativ impak long ol pikinini sapos i posibol blong avoidem olgeta.
5. Sam praktis blong jioj mo kastom we i save gat influens long proteksen blong ol pikinini, oli shud mentenem sapos oli luk se hemi folem ol gaeding prinsipol ia.
6. Ol sistem mo rispons blong jael proteksen i no mas afektem ol pikinini.
7. Yumi shud promotem patisipesen blong ol pikinini long evri difren wok long saed blong jael proteksen.

8. Oli mas implimentem tugeta polisi ia blong adresem jenda inekwaliti from se hemi lelbet semak long ol isiu blong jael proteksen.

Wanem blong mekem wetem ol Stratejik Eria

I gat 8 Stratejik Eria we ol stekholda bae oli wok long hem folem Nasonal Jael Proteksen Polisi.

Stratejik Eria	Ol mein Aktiviti
Mekem aweanes mo andastanem jael proteksen	Nasonal jael proteksen aweanes stratejik Risej long situesen blong jael proteksen long Vanuatu Implimentem Jael Onlaen Proteksen Aweanes Stratejik
Stopem jael abius bifo i hapen long wei blong divelopem privensen, eli aedentifikeisen mo eli intevensen strateji	Wok wetem ol komuniti blong divelopem ol jael proteksen model long komuniti
Koperesen bitwin ol stekholda	Sapotem Nasonal Jael Woking Grup mo Provinsol Jael Proteksen Woking Grup Divelopem ol riferol sistem blong manejem ol kes blong jael abius bitwin polis, helt mo ol nara sevis
Kodinesen blong ol kontinius kea long ol pikinini	Bae oli impruvum daevesen program blong ol pikinini we oli fesem ol abius mo ol ofenda we i komitim jael abius ia. VCC mo ol jioj, Malvatumauri mo ol jif bae i wok long ol jael proteksen aktiviti Impruvum data koleksen long jael proteksen
Strengthenem ol standet blong gavman long saed blong jael proteksen mo wok wetem ol pikinini	Ol Ministri blong Gavman mo ol nara oganaesesen we oli dil wetem ol pikinini bae oli divelopem ol prosija blong sefgadem ol pikinini Jastis sistem mo koreksen sevis bae oli kam moa frenli wetem pikinini Polis bae i karem sapot blong implimentem Standet Opereting Prosija blong olgeta Bae oli inkludim Jael proteksen insaed long ol polisi blong helt, edukeisen mo jioj
Impruvum ligol proteksen blong ol pikinini	Bae oli rivium mo amendem ol loa blong meksua se oli komplae wetem Konvensen long Raet blong ol Pikinini blong Unaeted Naesen Bae oli putum i kam fowod Bil blong Jael Proteksen
Ol profesonol we oli gat skil blong provaedem sevis	Wan trening program long jael proteksen blong ol gavman sevis provaeda we ol dil wetem ol pikinini, inkludim ol tija, polis, helt woka mo ol staf blong loa mo jastis.
Jael proteksen long taem blong ol emejensi	Trening blong ol komuniti we oli ekspos moa blong protektem ol pikinini long taem blong emejensi Inkludim jael proteksen long evri disasta priperesen mo rispons plan

Implementeisen

Jael proteksen i tajem plante sekta mo hemi risponsabiliti blong evri stekholda.

Ministri blong Jastis mo Komuniti Sevis i risponsibol blong kodinetem implimenteisen blong polisi ia wetem sapotem blong Nasonal Jael Proteksen Woking Grup.

Evriwan i risponsibol blong protektem ol pikinini akensem vaelens, abius, eksploetesen mo nogud tritmen. Yumi wok tugeta blong kipim ol pikinini blong yumi i sef.